

Чадамг кӧдлӧч

Яшкульск района „Гашунский“ совхозин клубд Хальмг АССР-н Деед Советин депутатин кандидат темдггдсн ӱр Дмитрий Григорьевич Богданов сунъгъачнрла харгъв.

Итклтӧ кӱн. ӱр Миляев ӱг авад, келв:—ӱр Д. Г. Богданов 1932 джил Вознесенск селӧнд тӧрдж гарла. 1947 джилӧс авн 1950 джил кӱртл Степановск МТС-т тракторист болдж кӧдлӧд, 1950 джилин октябрь сарас авн май сарин 1951 джил кӱртл Аӧдрхнд механизаторин школ чилӧддж ирӧд, Степановск МТС-т кӧдлв.

Дӧрвн джилд цергт цергддж ирӧд, ода кӱртл „Гашунский“ совхозд кӧдлдж йовна. Ода тракторн бригадин бригаир болдж кӧдлджӧнӧ.

Тракторн бригадин механизатормуд ӱр Богдановин гардварар ахр цагин эргцд 3619 га газрт ӧвс хадал, газр хӧгъллгъна зурагъан давулдж кӱцӧв.

Эн джил тӧрӧ хуралгъна гӱргӱлӧ совхозд комбайнмуд дуту болад, тӧрӧг цаглань хурадж авлгънд аӧмшг болв. Тер цагла ӱр Богданов совхозин директорт болн эклц

партийн организаци ирӧд, намг комбайнерг йовултн гидж сурв.

23 ӧдриндунд „РСМ-8“ комбайнар 873 га хурагъад, зурагъан 200 процент давулдж кӱцӧв.

ӱр Д. Г. Богданов итклтӧ ӱрн, энӱнӧ тӧлӧ цугтан дуугъан ӧгхиг дуудджанав.— гидж ӱр Миляев ӱгӧн тӧгсӧв.

Босдж келсн ӱрмӱд—1-ч фермин ах ӱкрч ӱр Сенгелев, герин эзн кӱӱкд кӱн Физолинская, ӱр Шитилов, ӱр Танагиев кӧдлмшӧн шултта сӧӧнӧр келж йовх кӱн гидж Д. Г. Богдановин тускар келцхӧв.

Хальмг АССР-н Деед Советин депутатин кандидат ӱр Д. Г. Богданов келсн ӱгдӧн, сунъгъачнрт ик ханлтан ӧргӧд, ца аранднь чигн эн метӧр седкл ухагъан тӧвдж кӧдлдж, сунъгъачнриннь келсн даалгъврмудиг кӱцӧх болдж ӱгӧн ӧгв.

Республикин Деед Советин депутатин кандидатла харгългъна хургт, сунъгъачнр кандидатдан даалгъвр ӧгв.

О. ДАРМАЕВ.